

Na osnovu člana 98. Zakona o visokom obrazovanju («Službene novine Tuzlanskog kantona» broj: 7/16, 10/16, 5/17 i 15/17), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2018/19. godini broj: 03- 3371-1.2/18 od 13.06.2018. godine, a uz prethodnu saglasnost Vlade Tuzlanskog kantona broj: 02/1-05-015977/18 od 12.06.2018. godine, raspisuje

## **K O N K U R S**

### **ZA UPIS STUDENATA U PRVU GODINU PRVOG I INTEGRIRANOG PRVOG I DRUGOG CIKLUSA STUDIJA NA FAKULTETE/AKADEMIJU UNIVERZITETA U TUZLI U AKADEMSKOJ 2018/19. GODINI**

#### **I OPŠTE ODREDBE**

##### **USLOVI ZA PRIJEM STUDENATA**

##### Član 1.

Pravo učešća na Konkursu imaju kandidati državljani BiH, strani državljani i lica bez državljanstva koji su završili srednju školu u četvorogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom u četvorogodišnjem trajanju, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi, o čemu prilažu odgovarajući dokaz.

Pravo za prijem na redovni studij imaju nezaposlena/izdržavana lica, a zaposlena lica imaju pravo učešća na konkursu na studijske programe na kojima se organizuje vanredni studij.

##### Član 2.

Na Fakultete/Akademiju Univerziteta u Tuzli u akademskoj 2018/19. godini u prvu godinu prvog i integriranog prvog i drugog ciklusa studija prvi put će se upisati slijedeći broj studenata:

Red. br.	Naziv fakulteta/Akademije Studijski program/Usmjerenje	Prvi ciklus		
		Redovni studij		Vanredni studij
		Studenti koji se finansiraju iz Budžeta TK	Studenti koji se sami finansiraju	
1.	<b>Akademija dramskih umjetnosti</b>	<b>10</b>	<b>5</b>	
	• Gluma	10	5	
2.	<b>Edukacijsko-rehabilitacijski fakultet</b>	<b>45</b>	<b>55</b>	
	• Logopedija i audiologija	15	25	
	• Specijalna edukacija i rehabilitacija	15	15	
	• Poremećaji u ponašanju	15	15	
3.	<b>Ekonomski fakultet</b>	<b>120</b>	<b>110</b>	<b>20</b>
	• Ekonomija**	100	80	
	• Poslovna ekonomija**			20
	• Menadžment u turizmu*	20	30	
4.	<b>Fakultet elektrotehnike</b>	<b>120</b>	<b>95</b>	
	• Elektrotehnika i računarstvo**	100	75	
	• Tehnički odgoj i informatika	20	20	

5.	<b>Fakultet za tjelesni odgoj i sport</b>	<b>25</b>	<b>20</b>	<b>30</b>
	• Tjelesni odgoj i sport	25	20	
	• Edukacija trenera u sportu - Sportski trener			30
6.	<b>Farmaceutski fakultet</b>	<b>35</b>	<b>45</b>	
7.	<b>Filozofski fakultet</b>	<b>195</b>	<b>160</b>	
	• Bosanski jezik i književnost	15	10	
	• Historija	15	10	
	• Predškolski odgoj i obrazovanje	15	10	
	• Razredna nastava	15	10	
	• Strani jezici - Engleski jezik i književnost	15	30	
	-Njemački jezik i književnost	15	10	
	-Turski jezik i književnost	15	10	
	• Žurnalistika	15	10	
	• Pedagogija	15	15	
	• Psihologija	15	15	
	• Socijalni rad	15	10	
	• Filozofija-Sociologija	15	10	
	• Politologija (Međunarodni odnosi i diplomatija)	15	10	
8.	<b>Mašinski fakultet</b>	<b>90</b>	<b>45</b>	
	• Energetsko mašinstvo	30	15	
	• Proizvodno mašinstvo	30	15	
	• Mehatronika	30	15	
9.	<b>Medicinski fakultet</b>	<b>75</b>	<b>240</b>	
	• Studij medicine	75	45	
	• <b>Odsjek zdravstvenih studija</b>			
	- Studij sestринства		45	
	- Studij fizioterapije		45	
	- Studij medicinsko-laboratorijske dijagnostike		45	
	- Studij radiološke tehnologije		45	
	- Studij sanitarnog zdravstva		15	
10.	<b>Pravni fakultet</b>	<b>50</b>	<b>10</b>	
11.	<b>Prirodno-matematički fakultet</b>	<b>135</b>	<b>70</b>	
	• Matematika**	30	15	
	• Fizika**	20	5	
	• Geografija	15	10	
	• Turizmologija*	20	15	
	• Biologija**	30	15	
	• Hemija**	20	10	
12.	<b>Rudarsko-geološko-građevinski fakultet</b>	<b>100</b>	<b>60</b>	
	• Rudarstvo**	20	10	
	• Geologija **	20	10	
	• Građevinarstvo **	30	30	
	• Bušotinska eksploatacija mineralnih sirovina	15	5	

	• Sigurnost i pomoć	15	5	
13.	<b>Tehnološki fakultet</b>	<b>110</b>	<b>55</b>	
	• Hemijsko inženjerstvo i tehnologije**	30	15	
	• Prehrambena tehnologija**	30	15	
	• Inženjerstvo zaštite okoline**	20	10	
	• Agronomija**	30	15	
	<b>UKUPNO:</b>	<b>1110</b>	<b>970</b>	<b>50</b>
	<b>UKUPNO (I ciklus):</b>	<b>2130</b>		

\* Studijski programi su u postupku licenciranja.

\*\* Na studijskim programima upisani studenti imaju mogućnost odabira usmjerenja u odgovarajućoj studijskoj godini, u skladu sa studijskim programima.

### Član 3.

Ukoliko se u provođenju konkursnog postupka ne popuni odobreni broj studenata za upis u prvom upisnom roku, Univerzitet će organizovati drugi, odnosno treći upisni rok do popune slobodnih mjesta nakon prvog upisnog roka. Termini podnošenja prijave za treći upisni rok će se odrediti naknadno.

#### PRVI UPISNI ROK

##### **a) Za fakultete Univerziteta**

- podnošenje prijave vršiće se od 16.06. do 28.06.2018. godine;
- prijemni ispit održaće se 03.07.2018. godine u 10,00 sati;
- privremena rang-lista kandidata objaviće se do 04.07.2018. godine, a konačna 06.07.2018. godine;
- upis primljenih kandidata obaviće se od 09.07. do 13.07.2018. godine i od 20.08. do 25.08.2018. godine.

##### **b) Za Akademiju dramskih umjetnosti:**

- podnošenje prijave vršiće se od 16.06. do 28.06.2018. godine;
- I dio prijemnog ispita (kvalifikacioni ispit) održaće se 02.07.2018. godine u 10,00 sati;
- II dio prijemnog ispita (rad sa kandidatima u užem izboru) obaviće se 03.07.2018. godine u 15,00 sati po rasporedu koji će biti objavljen nakon prvog dijela prijemnog ispita;
- III dio (završni - eliminacioni ispit) održaće se 05.07.2018. godine u 10,00 sati;
- privremena rang-lista kandidata objaviće se 05.07.2018. godine, a konačna 09.07.2018. godine;
- upis primljenih kandidata obaviće se od 09.07. do 13.07.2018. godine i od 20.08. do 25.08.2018. godine.

#### DRUGI UPISNI ROK

##### **a) Za fakultete Univerziteta u Tuzli:**

- podnošenje prijave vršiće se od 22.08. do 31.08.2018. godine;
- prijemni ispit održaće se 04.09.2018. godine u 10,00 sati;
- privremena rang-lista kandidata objaviće se do 05.09., a konačna 10.09.2018. godine;
- upis primljenih kandidata obaviće se od 14.09. do 17.09.2018. godine.

##### **b) Za Akademiju dramskih umjetnosti:**

- podnošenje prijave vršiće se od 22.08. do 31.08.2018. godine;
- I dio prijemnog ispita (kvalifikacioni ispit) održaće se 03.09.2018. godine u 10,00 sati;
- II dio prijemnog ispita (rad sa kandidatima u užem izboru) obaviće se 04.09.2018.godine u 15,00 sati po rasporedu koji će biti objavljen nakon prvog dijela prijemnog ispita;
- III dio (završni - eliminacioni ispit) održaće se 05.09.2018. godine u 10,00 sati;
- privremena rang-lista kandidata objaviće se 05.09., a konačna 10.09.2018. godine;
- upis primljenih kandidata obaviće se od 14.09. do 17.09.2018. godine.

#### Član 4.

Univerzitet u Tuzli upisuje utvrđeni broj studenata prema opštim i pojedinačnim kriterijima, te uspjehu na prijemnom ispitu.

Prijemni ispit polažu svi prijavljeni kandidati. Test ili druga pisana forma prijemnog ispita **vrši se u duplikatu ovjerenom pečatom** od čega jedna kopija ostaje Univerzitetu a druga se uručuje kandidatu neposredno po završetku prijemnog ispita.

Kandidati s posebnim potrebama imaju pravo na prilagođeno polaganje prijemnog ispita uz obavezu da se pismeno obrate Centru za podršku studentima sa posebnim potrebama Univerziteta u Tuzli najkasnije 7 dana prije termina polaganja prijemnog ispita.

**Rangiranje kandidata vrši se na osnovu ukupnog broja bodova ostvarenih prema opštim i pojedinačnim kriterijima i rezultatima ostvarenim na prijemnom ispitu:**

- 1. opšti kriteriji odnose se na postignuti uspjeh u srednjoj školi i iznose najviše 50 bodova;**
- 2. pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za odgovarajući studij, a koji donosi kandidatu najviše 10 bodova;**
- 3. broj bodova ostvarenih na prijemnom ispitu koji se polaže iz jednog do tri predmeta, koji su od značaja za odgovarajući studij, a isti se vrednuje sa maksimalno 40 bodova.**

**Prijemni ispit je eliminatoran.**

**Kandidat na prijemnom ispitu mora ostvariti najmanje 20 bodova da bi ušao u dalji postupak rangiranja.**

Izuzetno, rangiranje kandidata za prijem na Akademiju dramskih umjetnosti vrši se prema sljedećim kriterijima.

1. opšti kriteriji odnose se na postignuti uspjeh u srednjoj školi i vrjednuju se sa najviše 15 bodova;
2. pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za Akademiju i vrjednuju se sa najviše 5 bodova.
3. Prijemni ispit kandidati polažu u tri dijela: kvalifikacioni ispit, rad u užem izboru i završni-eliminacioni ispit.

Prijemni ispit donosi maksimalno 80 bodova, od čega:

- kvalifikacioni ispit maksimalno 30 bodova.
- rad u užem izboru predstavlja praktičan rad sa kandidatom iz oblasti studijskog programa, a boduje se kao sastavni dio završnog-eliminacionog ispita.
- završni-eliminacioni ispit - maksimalno 50 bodova.

Kandidat na prijemnom ispitu na Akademiji mora ostvariti najmanje 40 bodova da bi ušao u dalji postupak.

#### Član 5.

Broj bodova po osnovu opštih kriterija utvrđuje se tako da se prosječna ocjena (zaokružena na dvije decimale) iz svih predmeta, u svim razredima srednje škole, množi brojem 10 (deset).

#### Član 6.

Broj bodova po osnovu pojedinačnih kriterija utvrđuje se tako da se prosječna ocjena iz jednog do tri predmeta, u skladu sa Konkursom, iz dva razreda srednje škole koji su od značaja za odgovarajući studij, množi brojem 2 (dva) i nakon toga zaokružuje na jednu decimalu.

#### Član 7.

Pod jednakim uslovima, a primjenom kriterija iz člana 4. i člana 7. ovog Konkursa, prioritet pri upisu imaju lica iz člana 19. Zakona o dopunskim pravima boraca – branitelja i članova njihovih porodica ("Službene novine Tuzlanskog kantona" broj: 5/12, 5/14 i 12/16), kao i lica iz člana 99. Zakona o socijalnoj zaštiti, zaštiti civilnih žrtava rata i zaštiti porodice s djecom ("Službene novine TK" broj: 5/12, 7/14, 11/15, 13/16 i 4/18), pod uslovom da su uz prijavu na Konkurs pružili dokaz nadležnog organa o pripadnosti toj kategoriji.

#### Član 8.

Prijavu na Konkurs na propisanom obrascu, sa odgovarajućom dokumentacijom, kandidati su dužni podnijeti u utvrđenom roku lično ili preporučeno putem pošte studentskoj službi fakulteta/Akademije.

U obrascu prijave na Konkurs kandidat mora naznačiti studijski program fakulteta/Akademije na koji se želi upisati.

**Uz prijavu se obavezno prilažu: originalno svjedočanstvo o završenom srednjem obrazovanju, originalna svjedočanstva sva četiri razreda srednje škole, Izvod iz matične knjige rođenih ili ovjerena fotokopija CIPS-ove lične karte, odnosno kopija pasoša za strane državljane, Uvjerenje o državljanstvu izdato nakon 17.06.2013. godine i uvjerenje nadležnog organa za lica koja pripadaju kategoriji lica utvrđenih članom 19. Zakona o dopunskim pravima boraca i članova njihovih porodica ("Službene novine Tuzlanskog kantona" broj 5/12, 5/14 i 12/16), ne starije od 6 mjeseci. Popis dokumentacije kojom se dokazuje status branilaca i članova njihovih porodica nalazi se na web stranici Univerziteta: [www.untz.ba](http://www.untz.ba).**

**Kandidati koji su srednju školu završili u inostranstvu prilažu i rješenje o nostrifikaciji svjedodžbe o završenom srednjem obrazovanju ili potvrdu nadležnog ministarstva da je postupak u toku.**

**Kandidat za upis na Fakultet za tjelesni odgoj i sport prilaže i ljekarsko uvjerenje.**

Kandidat koji ne ostvari pravo na upis, niti potvrdi učešće na narednom upisnom roku, dokumenta predana uz prijavu na Konkurs lično preuzima u studentskoj službi fakulteta/Akademije.

**Neblagovremene i nepotpune prijave (bez odgovarajućih dokumenata) neće se uzeti u razmatranje.**

Provođenje Konkursa za upis je oslobođeno takse.

Za bliža obavještenja kandidati se mogu obratiti studentskoj službi fakulteta/Akademije lično ili putem kontakt telefona, te korištenjem web stranice Univerziteta: [www.untz.ba](http://www.untz.ba)

#### Član 9.

U akademskoj 2018/19. godini studenti, državljani Bosne i Hercegovine, participiraju u troškovima studija ili plaćaju školarinu u iznosu kako slijedi:

- Redovni studenti prvog i integriranog prvog i drugog ciklusa studija koji se finansiraju iz Budžeta TK i koji nemaju status zaposlenog lica, u akademskoj 2018/19. godini plaćaju participaciju u troškovima studija u visini od 100,00 KM po semestru;
- Redovni studenti prvog i integriranog prvog i drugog ciklusa studija koji se sami finansiraju u akademskoj 2018/19. godini, a prvi puta upisuju prvu studijsku godinu plaćaju školarinu u iznosima kako slijedi:
  - 900,00 KM po semestru na Akademiji dramskih umjetnosti i Medicinskom fakultetu,
  - 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-građevinskom fakultetu i Tehnološkom fakultetu,
  - 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.
- Vanredni studenti prvog ciklusa studija, koji se sami finansiraju, a prvi put upisuju prvu studijsku godinu, plaćaju školarinu u akademskoj 2018/19. godini u iznosu od 750,00 KM po semestru na Ekonomskom fakultetu (Poslovna ekonomija) i Fakultetu za tjelesni odgoj i sport (Edukacija trenera u sportu).

Studenti strani državljani i lica bez državljanstva plaćaju školarinu u visini utvrđenoj Odlukom Vlade Tuzlanskog kantona o participaciji troškova I ciklusa studija na fakultetima JU Univerzitet u Tuzli za studente koji ne posjeduju državljanstvo BiH ("Službene novine TK", broj: 14/15).

## II POJEDINAČNE ODREDBE

### KRITERIJI ZA UPIS

#### Član 10.

### 1. AKADEMIJA DRAMSKIH UMJETNOSTI

- Adresa: Tuzla, Kampus Univerziteta
- Telefon: 035/277-690
- Prijemni ispit na studijskom programu **Produkcija** sastoji se iz tri dijela: **kvalifikacioni ispit, rad u užem izboru i završni-eliminacioni ispit**. Prijemni ispit donosi maksimalno **80** bodova.
  1. **kvalifikacioni ispit** donosi maksimalno **30** bodova.
  2. **rad u užem izboru** je praktičan rad sa kandidatima iz oblasti studijskog programa, a boduje se kao sastavni dio **završnog-eliminacionog** ispita.
  3. **završni-eliminacioni ispit** donosi maksimalno **50** bodova.

**Kandidat na prijemnom ispitu mora ostvariti najmanje 40 bodova da bi ušao u dalji postupak.**
- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Historija/Povijest.**

## **2. EDUKACIJSKO-REHABILITACIJSKI FAKULTET**

- Adresa: Tuzla, Ul. Univerzitetska broj 1.
- Telefon: 035/320-677; 320-679
- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.**
- **Prijemni ispit: Test iz predmeta Biologija i Psihologija.**

## **3. EKONOMSKI FAKULTET**

- Adresa: Tuzla, Ul. Univerzitetska broj 8.
- Telefoni: 035/320-823; 320-825

**Studijski odsjek: Ekonomija**

- **Predmeti koji se boduju po pojedinačnim kriterijima su: Matematika i Informatika.**
- **Prijemni ispit: Test iz predmeta Matematika i Informatika.**

**Studijski odsjek: Poslovna ekonomija/Menadžment u turizmu**

- **Predmeti koji se boduju po pojedinačnim kriterijima su: Informatika i Demokratija i ljudska prava.**
- **Prijemni ispit: Test iz predmeta Informatika i Demokratija i ljudska prava.**

## **4. FAKULTET ELEKTROTEHNIKE**

- Adresa: Tuzla, Ul. Franjevačka broj 2.
- Telefon: 035/259-609; 259-610

**Studijski program: Elektrotehnika i računarstvo**

- **Predmeti koji se boduju po pojedinačnim kriterijima su: Matematika i Fizika.**
- **Prijemni ispit: Test iz predmeta Matematika.**

**Studijski program: Tehnički odgoj i informatika**

- **Predmet koji se boduje po pojedinačnom kriteriju je: Matematika.**
- **Prijemni ispit: Test iz predmeta Matematika.**

## **5. FAKULTET ZA TJELESNI ODGOJ I SPORT**

- Adresa: Tuzla, Ul. 2. oktobra broj 2.
- Telefon: 035/278-537

**Studijski program: Tjelesni odgoj i sport**

- **Predmeti koji se boduju po pojedinačnim kriterijima su: Tjelesni i zdravstveni odgoj i Bosanski/Hrvatski/Srpski jezik.**
- **Prijemni ispit: Test iz motoričkih sposobnosti i znanja: bazični sportovi, sportske igre, pihomotorika (poligon spretnosti).**

**Studijski programi: Sportski trener**

- **Predmeti koji se boduju po pojedinačnim kriterijima su: Tjelesni i zdravstveni odgoj i Bosanski/Hrvatski/Srpski jezik.**

- **Prijemni ispit: Test općeg znanja iz oblasti sporta.**

#### **6. FARMACEUTSKI FAKULTET**

- Adresa: Tuzla, Ul. Univerzitetska broj 8.
- Telefon: 035/320-998
- **Predmeti koji se boduju po pojedinačnim kriterijima su: Hemija, Biologija i Matematika.**
- **Prijemni ispit: Test iz predmeta Hemija, Biologija i Matematika.**

#### **7. FILOZOFSKI FAKULTET**

- Adresa: Tuzla, Ul. Dr. Tihomila Markovića broj 1.
- Telefon: 035/306-365

#### **Studijski program: Bosanski jezik i književnost**

- **Predmet koji se boduje po pojedinačnim kriterijima je Bosanski/Hrvatski/Srpski jezik.**
- **Prijemni ispit: Test iz predmeta Bosanski/Hrvatski/Srpski jezik i književnost.**

#### **Studijski program: Historija**

- **Predmet koji se boduje po pojedinačnim kriterijima je Historija/Povijest.**
- **Prijemni ispit: Test iz predmeta Historija/Povijest.**

#### **Studijski programi: Razredna nastava i Predškolski odgoj i obrazovanje**

- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Matematika.**
- **Prijemni ispit: Bosanski/Hrvatski/Srpski jezik i Matematika.**

#### **Studijski program: Pedagogija**

**Predmeti koji se boduju po pojedinačnim kriterijima su: Bosanski/Hrvatski/Srpski jezik, Sociologija i Pedagogija.**

- **Prijemni ispit: Test iz Pedagogije.**

#### **Studijski program: Psihologija**

**Predmeti koji se boduju po pojedinačnim kriterijima su: Matematika, Biologija i Psihologija.**

- **Prijemni ispit: Test iz Psihologije.**

#### **Studijski odsjek: Strani jezici**

##### **Engleski jezik i književnost**

- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Engleski jezik.**
- **Prijemni ispit: Test iz engleskog jezika.**

##### **Turski jezik i književnost**

- **Predmeti koji se boduju po pojedinačnim kriterijima su Bosanski/Hrvatski/Srpski jezik i Historija.**
- **Prijemni ispit: Test iz Lingvistike.**

##### **Njemački jezik i književnost**

- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Njemački jezik.**
- **Prijemni ispit: Test iz njemačkog jezika.**

#### **Studijski program: Žurnalistika**

- **Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.**
- **Prijemni ispit: pisanje eseja, test iz predmeta Sociologija i Demokratija i ljudska prava.**

**Studijski program: Socijalni rad**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Test iz predmeta Sociologija i Demokratija i ljudska prava.

**Studijski program: Filozofija-Sociologija**

- Predmeti koji se boduju po pojedinačnim kriterijima su: Bosanski/Hrvatski/Srpski jezik, Filozofija i Sociologija.
- Prijemni ispit: Test iz Filozofije i Sociologije.

**Studijski program: Politologija (Međunarodni odnosi i diplomatija)**

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Sociologija.
- Prijemni ispit: Test iz Sociologije.

**8. MAŠINSKI FAKULTET**

- Adresa: Tuzla, Ul.Univerzitetska broj 4.
- Telefon: 035/320-924
- Predmeti koji se boduju po pojedinačnim kriterijima su: Matematika i Fizika.
- Prijemni ispit: Test iz predmeta Matematika.

**9. MEDICINSKI FAKULTET**

- Adresa: Tuzla, Ul.Univerzitetska broj 1.
- Telefon: 035/320-603; 035/320-609
- Predmeti koji se boduju po pojedinačnim kriterijima su: Biologija, Hemija i Fizika.
- Prijemni ispit: Test iz predmeta Biologija, Hemija i Fizika.

**9.1. ODSJEK ZDRAVSTVENIH STUDIJA:**

- Predmeti koji se boduju po pojedinačnim kriterijima su: Biologija i Hemija.
- Prijemni ispit: Test iz predmeta Biologija i Hemija.

**10. PRAVNI FAKULTET**

- Adresa: Tuzla, Ul.Muhameda Hevaija-Uskufija broj 7.
- Telefon: 035/250-657
- Predmeti koji se boduju po pojedinačnim kriterijima su: Bosanski/Hrvatski/Srpski jezik, Historija/Povijest i Demokratija i ljudska prava.
- Prijemni ispit: Test iz predmeta Bosanski/Hrvatski/Srpski jezik, Historija/Povijest i Demokratija i ljudska prava.

**11. PRIRODNO-MATEMATIČKI FAKULTET**

- Adresa: Tuzla, Ul.Univerzitetska broj 4.
- Telefon: 035/320-864

**Studijski odsjek: Biologija**

- Predmeti koji se boduju po pojedinačnim kriterijima su: Biologija i Hemija.
- Prijemni ispit: Test iz predmeta Biologija.

**Studijski odsjek: Fizika**

- Predmeti koji se boduju po pojedinačnim kriterijima su: Fizika i Matematika.
- Prijemni ispit: Test iz predmeta Fizika.

**Studijski odsjek: Geografija**

**Studijski program: Geografija**

- Predmet koji se boduje po pojedinačnim kriterijima je: Geografija ili Matematika.



- **Prijemni ispit: Test iz predmeta Geografija.**

**Studijski odsjek: Geografija**

**Studijski program: Turizmologija**

- **Predmeti koji se boduju po pojedinačnim kriterijima su: Geografija i Historija ili Matematika i Engleski jezik.**
- **Prijemni ispit: Test iz predmeta Geografija.**

**Studijski odsjek: Hemija**

- **Predmeti koji se boduju po pojedinačnim kriterijima su: Hemija i Biologija.**
- **Prijemni ispit: Test iz predmeta Hemija.**

**Studijski odsjek: Matematika**

- **Predmeti koji se boduju po pojedinačnim kriterijima su: Matematika i Fizika.**
- **Prijemni ispit: Test iz predmeta Matematika.**

## **12. RUDARSKO-GEOLOŠKO-GRAĐEVINSKI FAKULTET**

- Adresa: Tuzla, Ul.Univerzitetska broj 2.
- Telefon: 035/320-560

**Studijski programi: Bušotinska eksploatacija mineralnih sirovina, Geologija, Rudarstvo, Sigurnost i pomoć**

- **Predmeti koji se boduju po pojedinačnim kriterijima su: Matematika, Fizika i Hemija.**
- **Prijemni ispit: Test iz predmeta Matematika.**

**Studijski program: Građevinarstvo**

- **Predmet koji se boduje po pojedinačnim kriterijima: Matematika.**
- **Prijemni ispit: Test iz predmeta Matematika.**

## **13. TEHNOLOŠKI FAKULTET**

- Adresa: Tuzla, Ul.Univerzitetska broj 8.
- Telefon: 035/320-746

**Studijski programi: Hemijsko inženjerstvo i tehnologije, Inženjerstvo zaštite okoline, Prehrambena tehnologija**

- **Predmeti koji se boduju po pojedinačnim kriterijima su: Matematika i Hemija.**
- **Prijemni ispit: Test iz predmeta Hemija.**

**Studijski program: Agronomija**

- **Predmeti koji se boduju po pojedinačnim kriterijima su: Biologija i Hemija.**
- **Prijemni ispit: Test iz predmeta Biologija i Hemija.**

**NAPOMENA:** Naknadno će biti objavljeno mjesto polaganja prijemnog ispita na oglasnim tablama fakulteta/Akademija i web stranici Univerziteta.

## **III PROCEDURE ZA PRIJEM I UPIS STUDENATA**

### **Član 11.**

Postupak realizacije ovog Konkursa na Univerzitetu provode Komisije koje imenuju dekani fakulteta/Akademije.

Komisije su dužne da obezbijede tajnost ispitnog materijala i druge dokumentacije do okončanja prijemnog ispita.

Nakon provedenog prijemnog ispita, Komisija fakulteta/Akademije sačinjava privremenu rang-listu i objavljuje je na oglasnoj tabli fakulteta/Akademije u roku utvrđenom ovim Konkursom.

Privremena rang-lista se utvrđuje prema ostvarenom broju bodova po opštim i pojedinačnim kriterijima i uspjehu na prijemnom ispitu i to od najvećeg do najmanjeg broja ostvarenih bodova.

Na objavljenu privremenu rang listu kandidati mogu uložiti pismeni prigovor naučno-nastavnom/umjetničko-nastavnom vijeću fakulteta/Akademije putem Komisije za žalbe, a isti se predaje putem studentske službe fakulteta/Akademije, u roku od 3 (tri) dana od dana objavljivanja privremene rang-liste.

Konačnu Odluku po žalbi donosi naučno-nastavno/umjetničko-nastavno vijeće fakulteta/Akademije, nakon čega utvrđuje konačnu rang-listu, koju objavljuje na oglasnoj ploči fakulteta/Akademije, sa naznakom kandidata koji su ostvarili pravo na upis.

#### IV ZAVRŠNE ODREDBE

##### Član 12.

Upis kandidata vrši se na osnovu redoslijeda na konačnoj rang-listi.

Prilikom upisa na Univerzitet u Tuzli primljeni kandidati su dužni priložiti ljekarsko uvjerenje (osim za upis na Fakultet za tjelesni odgoj i sport, koji su predali uz prijavu na konkurs za upis) i dokaz o uplati participacije/školarine u troškovima studija.

**Za upis primljenih kandidata na Univerzitet, kandidati prilažu i popunjen propisani upisni materijal:** prijavni list, upisni list, semestralni list i upisnicu - index, te dvije kolor fotografije formata za indeks, a o čemu će dobiti potrebne informacije putem oglasne ploče i studentske službe fakulteta/Akademije.

Kandidati za upis koji imaju mjesto prebivališta izvan sjedišta Univerziteta mogu obezbijediti smještaj i ishranu u studentskim domovima Studentskog centra Univerziteta u Tuzli pod uvjetima utvrđenim posebnim Konkursom.

**Obrazac prijave na Konkurs, kao i obrasce upisnog materijala** kandidati mogu nabaviti u skriptarnici Univerziteta na Tehnološkom fakultetu, ul.Univerzitetska br.8 Tuzla.

**Napomena kandidatima:** Preporučuje se kandidatima da, prije podnošenja originalnih dokumenata na Konkurs obezbijede, za sopstvene potrebe, odgovarajući broj ovjerenih fotokopija dokumenata, jer se upisanim kandidatima dokumenta neće moći privremeno izdavati.

Po završetku studijskog programa stiče se akademska titula, odnosno stručno zvanje u skladu sa Pravilnikom o korištenju akademskih titula i sticanju naučnih i stručnih zvanja na visokoškolskim ustanovama u Tuzlanskom kantonu i Listom zvanja („Službene novine TK“, broj 13/17).

Na osnovu člana 98. Zakona o visokom obrazovanju («Službene novine Tuzlanskog kantona» broj: 7/16, 10/16, 5/17 i 15/17), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2018/19. godini broj: 03- 3371-1.2/18 od 13.06.2018. godine, a uz prethodnu saglasnost Vlade Tuzlanskog kantona broj: 02/1-05-015977/18 od 12.06.2018. godine, raspisuje

**K O N K U R S**  
**ZA UPIS STUDENATA NA DRUGI CIKLUS STUDIJA**  
**NA FAKULTETE/AKADEMIJU UNIVERZITETA U TUZLI U AKADEMSKOJ 2018/19.**  
**GODINI**

**I**

U prvu godinu drugog ciklusa studija u akademskoj 2018/19. godini na studijske programe fakulteta/Akademije Univerziteta u Tuzli upisat će se studenti koji se sami finansiraju kako slijedi:

<b>Red. broj</b>	<b>Naziv fakulteta/Akademije Studijski program/Usmjerenje</b>	<b>Minimalnan broj studenata</b>	<b>Maksimalan broj studenata</b>
1.	<b>Akademija dramskih umjetnosti</b>	<b>7</b>	<b>10</b>
	• Gluma	7	10
2.	<b>Edukacijsko-rehabilitacijski fakultet</b>	<b>42</b>	<b>180</b>
	• Poremećaji u ponašanju	7	30
	• Logopedija	7	30
	• Audiologija	7	30
	• Specijalna edukacija i rehabilitacija - Intelektualne teškoće	7	30
	- Motorički poremećaji i hronične bolesti	7	30
	- Oštećenja vida	7	30
3.	<b>Ekonomski fakultet</b>	<b>42</b>	<b>130</b>
	• Ekonomija - Makroekonomski menadžment	7	20
	- Menadžment	7	20
	- Marketing	7	20
	- Finansije, bankarstvo i osiguranje	7	20
	- Računovodstvo i revizija	7	20
	• Poslovna ekonomija**	7	30
4.	<b>Fakultet elektrotehnike</b>	<b>7</b>	<b>100</b>
	• Elektrotehnika i računarstvo**	7	100
5.	<b>Fakultet za tjelesni odgoj i sport</b>	<b>7</b>	<b>15</b>
	• Tjelesni odgoj i sport	7	15
7.	<b>Filozofski fakultet</b>	<b>91</b>	<b>140</b>
	• Bosanski jezik i književnost - Lingvistika bosanskog jezika	7	10
	-Bosanskohercegovačka književnost u književno-historijskom kontekstu	7	10
	• Historija - Historija Bosne i Hercegovine	7	10

	<ul style="list-style-type: none"> <li>• Engleski jezik i književnost</li> <li>- Prevođenje engleskog jezika</li> <li>- Lingvistika engleskog jezika</li> </ul>	7	15
	<ul style="list-style-type: none"> <li>• Njemački jezik i književnost</li> <li>- Njemačka književnost</li> <li>- Lingvistika njemačkog jezika</li> </ul>	7	10
	• Žurnalistika	7	10
	• Pedagogija	7	10
	• Psihologija	7	10
	• Socijalni rad	7	10
	• Filozofija	7	10
	• Sociologija	7	10
8.	<b>Mašinski fakultet</b>	<b>35</b>	<b>75</b>
	<ul style="list-style-type: none"> <li>• Energetsko mašinstvo</li> <li>- Održiva energija i okolina</li> <li>- Termoenergetika</li> </ul>	7	15
	<ul style="list-style-type: none"> <li>• Proizvodno mašinstvo</li> <li>- Proizvodne tehnologije</li> <li>- Industrijski inženjering</li> </ul>	7	15
	• Mehatronika	7	15
9.	<b>Medicinski fakultet</b>	<b>35</b>	<b>50</b>
	<ul style="list-style-type: none"> <li>• <b>Odsjek zdravstvenih studija</b></li> <li>- Studij sestrinstva</li> <li>- Studij fizioterapije</li> <li>- Studij medicinsko-laboratorijske dijagnostike</li> <li>- Studij radiološke tehnologije</li> <li>- Studij sanitarnog zdravstva</li> </ul>	7	10
		7	10
		7	10
		7	10
		7	10
10.	<b>Pravni fakultet</b>	<b>21</b>	<b>60</b>
	- Građansko pravo	7	30
	- Državno i međunarodno javno pravo	7	20
	-Komparativno pravo i komparativno pravna historija	7	10
11.	<b>Prirodno-matematički fakultet</b>	<b>63</b>	<b>100</b>
	• Primijenjena matematika	7	10
	• Edukacija u matematici	7	10
	• Primijenjena fizika	7	10
	• Edukacija u fizici	7	10
	• Edukacija u geografiji**	7	10
	• Primijenjena biologija**	7	20
	• Edukacija u biologiji	7	10
	• Primijenjena hemija	7	10
	• Edukacija u hemiji	7	10
12.	<b>Rudarsko-geološko-građevinski fakultet</b>	<b>42</b>	<b>120</b>
	• Rudarstvo**	7	20
	• Geologija **	7	20
	• Građevinarstvo **	7	20
	• Bušotinska eksploatacija mineralnih sirovina	7	20
	• Sigurnost i pomoć	7	20
	• Sigurnost i pomoć -Upravljanje rizicima od katastrofalnih događaja i protivpožarni inženjering*	7	20
13.	<b>Tehnološki fakultet</b>	<b>28</b>	<b>55</b>

• Hemijsko inženjerstvo i tehnologija**	7	15
• Prehrambena tehnologija**	7	20
• Inženjerstvo zaštite okoline	7	10
• Agronomija	7	10
<b>UKUPNO:</b>	<b>420</b>	<b>1035</b>

\* Studijski programi su u postupku licenciranja.

\*\* Na studijskim programima upisani studenti imaju mogućnost odabira usmjerenja u odgovarajućoj studijskoj godini, u skladu sa studijskim programima.

## II

Rangiranje i prijem kandidata vrši komisija koju imenuje dekan fakulteta/Akademije, a na osnovu uspjeha ostvarenog na dodiplomskom/prvom ciklusu studija (prosječna ocjena zaokružena na dvije decimalne).

Podnošenje prijave i upis kandidata vrši se u rokovima kako slijedi:

- podnošenje prijave vršice se od 16.06. do 20.09.2018. godine;
- privremena rang-lista kandidata objaviće se do 21.09.2018. godine, a konačna do 24.09.2018. godine;
- upis primljenih kandidata objaviće se od 24.09. do 28.09.2018. godine.

## III

Po završetku drugog ciklusa studija stiče se **diploma magistra** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj 13/17).

## IV

Pravo upisa na studijske programe drugog ciklusa imaju kandidati državljani BiH, strani državljani i lica bez državljanstva, koji su na akreditovanoj visokoškolskoj ustanovi završili odgovarajući dodiplomski studij/studij prvog ciklusa u trajanju od četiri godine odnosno sa ostvarenih 240 ECTS bodova, odnosno koji su završili prvi ciklus studija u trajanju od tri godine odnosno sa ostvarenih 180 ECTS bodova za upis na dvogodišnji master studij na studijskim programima Poslovna ekonomija na Ekonomskom fakultetu i Razredna nastava na Filozofskom fakultetu.

## V

Uz prijavu na Konkurs kandidat prilaže:

- ovjerenu kopiju diplome o završenom odgovarajućem dodiplomskom studiju/studiju prvog ciklusa ili uvjerenje o završenom studiju u slučaju da visokoškolska ustanova još nije izdala diplome
- uvjerenje visokoškolske ustanove o dužini trajanja dodiplomskog studija odnosno dodatak diplomi (za lica koja su završila prvi ciklus studija po Bolonjskom sistemu studiranja),
- uvjerenje o uspjehu na dodiplomskom studiju (za lica koja su završila studij po ranijem sistemu studiranja),
- uvjerenje o državljanstvu.

## VI

Lica koja su diplomu osnovnih studija stekla u inostranstvu, u obavezi su priložiti i rješenje o izvršenoj nostrifikaciji inostrane isprave, ili potvrdu Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli.

Obrazac Zahtjeva za priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici [www.untz.ba](http://www.untz.ba) (<http://www.untz.ba/index.php?page=akti1>).

## VII

Kandidati koji ostvare pravo upisa na drugi ciklus studija na studijskim programima u trajanju od jedne akademske godine plaćaju školarinu u visini od 2.400,00 KM (po jednu polovinu iznosa pri upisu u svaki semestar), a kandidati na studijskim programima u trajanju od dvije akademske godine, plaćaju školarinu u iznosu od 2.400,00 KM po studijskoj godini.

Kandidati strani državljani i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

### VIII

Konkurs ostaje otvoren **do 20. septembra tekuće godine.**

Privremena rang-lista kandidata objavljuje se na oglasnoj ploči i web stranici fakulteta/Akademije.

Na objavljenu privremenu rang listu kandidati mogu uložiti pismeni prigovor naučno-nastavnom/umjetničko-nastavnom vijeću fakulteta/Akademije, a isti se predaje putem studentske službe fakulteta/Akademije, u roku od 3 (tri) dana od dana objavljivanja privremene rang-liste.

Konačnu Odluku po žalbi donosi naučno-nastavno/umjetničko-nastavno vijeće fakulteta/Akademije, nakon čega utvrđuje konačnu rang-listu, koju objavljuje na oglasnoj ploči i web stranici fakulteta/Akademije, sa naznakom kandidata koji su ostvarili pravo na upis.

Upis kandidata vrši se na osnovu konačne rang-liste.

### IX

Bliže informacije o studijskom programu i druge informacije u vezi sa uslovima upisa mogu se dobiti na web stranici fakulteta/Akademije kao i u studentskim službama fakulteta/Akademije.

**Obrazac prijave na Konkurs može se dobiti u studentskoj službi fakulteta ili na web stranici [www.untz.ba](http://www.untz.ba) .**

**Prijava na Konkurs sa potrebnom dokumentacijom, dostavlja se u zatvorenoj koverti, uz naznaku "Prijava na Konkurs za upis na drugi ciklus studija" putem studentske službe fakulteta/Akademije.**

Na osnovu člana 98. Zakona o visokom obrazovanju («Službene novine Tuzlanskog kantona» broj: 7/16, 10/16, 5/17 i 15/17), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2018/19. godini broj: 03- 3371-1.2/18 od 13.06.2018. godine, a uz prethodnu saglasnost Vlade Tuzlanskog kantona broj: 02/1-05-015977/18 od 12.06.2018. godine, raspisuje

**K O N K U R S**  
**ZA UPIS STUDENATA NA TREĆI CIKLUS STUDIJA**  
**NA FAKULTETE UNIVERZITETA U TUZLI U AKADEMSKOJ 2018/19. GODINI**  
**I**

Na fakultete Univerziteta u Tuzli u akademskoj 2018/19. godini na treći ciklus studija upisaće se sljedeći broj studenata koji se sami finansiraju:

Red. br.	Naziv fakulteta/Akademije Studijski program/Usmjerenje	Broj studenata	
		Minimalno	Maksimalno
1.	<b>Edukacijsko-rehabilitacijski fakultet</b>	<b>3</b>	<b>30</b>
	• Specijalna edukacija i rehabilitacija	3	30
2.	<b>Ekonomski fakultet</b>	<b>9</b>	<b>9</b>
	- Marketing	3	3
	-Menadžment i upravljanje	3	3
	-Kvantitativna ekonomija	3	3
3.	<b>Fakultet elektrotehnike</b>	<b>3</b>	<b>15</b>
	• Elektrotehnika i računarstvo	3	15
4.	<b>Fakultet za tjelesni odgoj i sport</b>	<b>3</b>	<b>10</b>
	• Kineziologija	3	10
5.	<b>Farmaceutski fakultet</b>	<b>3</b>	<b>20</b>
6.	<b>Filozofski fakultet</b>	<b>3</b>	<b>7</b>
	• Bosanski jezik i književnost		
	- Književnost	3	7
7.	<b>Mašinski fakultet</b>	<b>15</b>	<b>50</b>
	• Energetsko mašinstvo		
	- Održiva energija i okolina	3	10
	- Termoenergetika	3	10
	• Proizvodno mašinstvo		
	- Proizvodne tehnologije	3	10
	- Industrijski inženjering	3	10
	• Mehatronika	3	10
8.	<b>Pravni fakultet</b>	<b>3</b>	<b>10</b>
9.	<b>Prirodno-matematički fakultet</b>	<b>6</b>	<b>17</b>
	• Geografija	3	7
	• Biologija	3	10
10.	<b>Rudarsko-geološko-gradevinski fakultet</b>	<b>9</b>	<b>30</b>
	• Rudarstvo*/**	3	10
	• Geologija */**	3	10

	• Građevinarstvo */**	3	10
11.	<b>Tehnološki fakultet</b>	<b>9</b>	<b>21</b>
	• Hemijsko inženjerstvo	3	7
	• Prehrambeno inženjerstvo	3	7
	• Inženjerstvo zaštite okoline	3	7
12.	<b>Prirodno-matematički i Tehnološki fakultet</b>	<b>3</b>	<b>7</b>
	• Primijenjena hemija (zajednički doktorski studij)		
	<b>UKUPNO:</b>	<b>69</b>	<b>226</b>

## II

Rangiranje i prijem kandidata vrši komisija koju imenuje Vijeće dokorskog studija, a na osnovu uspjeha ostvarenog na ranijem ciklusu studija (prosječna ocjena zaokružena na dvije decimale) i drugih kriterija utvrđenih studijskim programom.

Podnošenje prijave i upis kandidata vrši se u rokovima kako slijedi:

- podnošenje prijave vršice se od 16.06. do 20.09.2018. godine;
- privremena rang-lista kandidata objaviće se do 21.09.2018. godine, a konačna do 24.09.2018. godine;
- upis primljenih kandidata obaviće se od 24.09. do 28.09.2018. godine.

## III

Pravo upisa na studijske programe trećeg ciklusa imaju kandidati državljani Bosne i Hercegovine, strani državljani i lica bez državljanstva koji ispunjavaju uslove utvrđene studijskim programima fakulteta, a koji su odgovarajuću diplomu o završenom prethodnom ciklusu studija stekli na akreditovanoj visokoškolskoj ustanovi.

## IV

Lica koja su diplomu drugog ciklusa/postdiplomskog studija ili diplomu integriranog prvog i drugog ciklusa studija stekla u inostranstvu, u obavezi su priložiti i rješenje o izvršenoj nostrifikaciji inostrane isprave ili potvrdu Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli.

Obrazac Zahtjeva za priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici [www.untz.ba](http://www.untz.ba) (<http://www.untz.ba/index.php?page=akti1>).

Po završetku trećeg ciklusa studija stiće se **diploma doktora** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj 13/17).

## V

Studenti trećeg ciklusa studija upisani u akademskoj 2018/19. godini, plaćaju školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom, Ekonomskom, Farmaceutskom, Pravnom, Prirodno-matematičkom, Rudarsko-geološko-građevinskom i Tehnološkom fakultetu,
- 14.000,00 KM na Fakultetu elektrotehnike i Mašinskom fakultetu.

Kandidati strani državljani i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, utvrđenu odlukom nadležnog organa Univerziteta, u skladu sa studijskim programom.

## VI

Konkurs ostaje otvoren **do 20. septembra tekuće godine.**

Rang-lista kandidata objavljuje se na oglasnoj ploči fakulteta i web stranicama fakulteta i Univerziteta.



Na objavljenu rang listu kandidati mogu uložiti pismeni prigovor naučno-nastavnom vijeću fakulteta, a isti se predaje putem studentske službe fakulteta, u roku od 48 sati od objavljivanja rang-liste. Konačnu Odluku po prigovoru donosi naučno-nastavno vijeće fakulteta koju saopštava podnosiocu prigovora i objavljuje na oglasnoj ploči i web stranici fakulteta.

## VII

Detaljnije informacije o studijskim programima, uslovima upisa, te pregled potrebne dokumentacije koja se obavezno prilaže uz prijavu, dostupne su na web stranici fakulteta i studentskoj službi fakulteta. Obrazac Prijave na Konkurs za upis na treći ciklus studija može se dobiti u studentskoj službi fakulteta ili na web stranici [www.untz.ba](http://www.untz.ba) (<http://www.untz.ba/index.php?page=konkursi>).

Prijave na Konkurs sa potrebnom dokumentacijom, dostavljaju se u zatvorenoj koverti, uz naznaku "Prijava na Konkurs za upis na treći ciklus studija" putem studentske službe fakulteta.